

江華縣志卷之十二

雜記

獠崗

祥瑞

災異

仙釋

宇宙亦遼闊矣氣化雜揉卮言日出其端曷可究詰然而稗官野史恆爲博物者所不遺故列獠獠別族類也書祥瑞著昇平也紀災異志修省也至於二氏或主清淨或崇寂滅方今

聖天子在上其道君臣父子其教禮樂農桑治化蒸蒸於斯爲盛則所謂仙釋者吾知其爲亡是公閱是編者存而不論可也

江華縣志

卷之十二

雜記

一

獠崗

獠崗

族姓

湖南通志伯益經云黃帝之曾孫下明生白犬是爲蠻人之祖應邵衍其說遂以爲高辛氏之犬名曰槃瓠妻帝之女生六男六女自相爲夫婦是爲南蠻按風俗通槃瓠浮之東南海中是爲大封氏初未指爲蠻人之祖而郭璞張華于寶范蔚宗李延壽梁載言樂史之徒枝葉其說遂□然萬家之封矣要之卽虞書所稱三苗之裔未通聲教者

耳苗類甚多曰狇曰獠曰猺曰獐曰獾曰獬曰獮
曰獯曰狃曰獬曰獮然則猺固苗之一類也

性習

按猺居處皆依山憑險各自以遠近爲伍稻田無
幾所種黍菽小米雜以爲糧暇則獵山獸以續食
婦女椎髻跣足章服喜斑斕言語侏儻不可曉喜
讎殺耐饑忍苦左腰長刀右負大弩上下山險若
飛兒始生秤鐵如其重漬之毒水兒能行燒鐵烙
其跟蹠使頑木故能履棘茨不傷及長大煅鋼以

製刀終身用之戰則一鎗一弩相將而前歲首祭
槃瓠擊腰鼓吹笙竽爲樂十月朔各以聚落祭都
貝大王男女成列連袂而舞謂之踏猺歌婚嫁則
作鬼事三晝夜畢則會親族飲酒燒牛猪肉作脯
男女雜坐然亦以尊卑爲敍死喪亦知哭泣其習
俗性情大概類此

叛服攷畧

府志昔吳起相楚南并蠻越遂有洞庭蒼梧之地
秦昭王伐楚畧取蠻夸始置黔中郡漢興輸賦謂

之□布光武時武陵蠻入寇將軍劉尙戰沒又遣
伏波將軍馬援擊破之永和初武陵太守上書欲
增蠻賦虞詡獨奏以爲不可其後果增布遂舉種
反東晉時因劉石亂後蠻遂北遷陸渾以南徧滿
山谷宋齊以後羣蠻酋長互受南北朝封爵至後
魏末暴橫滋甚僭稱侯王屯據峽路斷絕行旅周
武帝遣陸騰大破之隋置辰州以處蠻唐置羈縻
州以領之宋太平興國中海山洞蠻寇劫商人乃
發潭州兵擊平之八年九谿及四州蠻相率詣辰

州願比內郡民輸租稅詔不許自後首領入貢不
絕每加賞賜存卹之此諸蠻叛服之迹見於宋以
前者以今觀之永居洞庭之南蒼梧之北谿洞雜
居其性習與古無異撫綏制馭之策亦在乎斟酌
古今之宜而已矣明朝近宋其制蠻之法亦倣倣
於宋隆興時右正言尹穡言湖南州縣地界與溪
洞蠻猺相接以故華民與猺人交結往來擅易田
產其間豪猾大姓規免稅役多以產寄猺人戶下
內虧國賦外滋邊釁宜詔帥臣遣吏親立封堠不

許華民將田產典賣與獠人及私以田產寄隱□
泰中湖南安撫趙亮勵言湖南九郡皆與九谿獠
峒相接其地闊遠南接二廣北通湖右其人狼子
野心不能長保其無事或因饑饉或因讎怨劫掠殺
傷習以爲常州縣稍失隄防則不安巢穴越界生
事莫若選擇土豪爲蠻人所信服者爲總首以任
彈壓之責潛以禦之凡細微爭鬪止令總首處分
開諭勸解自無侵凌之患蓋總首者語言嗜好皆
與之同習知其利害審察其情僞而其力足以惠

利之諸司謂亮勵所言以蠻獠制蠻獠其策莫良
宜從之嘉定中臣僚言熟戶山獠峒丁有田不許
擅鬻任其耕種但以丁名繫籍每丁量納課米三
斗餘無他科旣樂其有田之可畊邊界有警極力
爲衛蓋欲自保田業也今州郡漫不加恩山獠峒
丁有田者悉聽其與民交易而丁米挂籍自如□
督嚴峻多不聊生往往好勇疾貧挺而走險或邀
徒伴或爲鄉導出沒近地爲害甚大宜明勅湖廣
監司嚴禁從之元至正元年獠賊唐大二等作亂

攻破江華等州縣湖廣行省平章滾布巴勒擊平之自明以來叛服不一

國朝順治五年廣西富川猺刦永明福崗邨殺傷無算康熙二年富川谷塘猺廖文瞻等掠道州江華永明俱震動三年破之於白雲巢自是不敢爲寇雍正三年部覆准湖南衡永寶郴桂靖六州所屬苗猺向例取一二名陶淑旣久額少人多嗣後歲科考試增取三名永爲定額十年改猺童曰新童乾隆九年飭於猺地適中之處設立義館延師訓

江華縣志

卷之十二

雜記

五

猺崗

課每年廩餼銀各十六兩均由縣赴司領給

聚落

錦田猺

霧江猺

蔣家河

花江崗

麻江崗

貝江崗

甯江崗

黃沙崗

中河崗

黃石崗

後河崗

金竹源

魚躍猺

府志作魚跳

大錫猺

瀧山猺

在太平各

沖內

以上係高山猺嘉靖閒恃險不靖二十七年遣兵

夾攻遺黨逃遁隆慶元年勾引廣西大羅山各處苗賊攻劫關廂嶺東江渡大壩一帶鄉村退匿瀧山恃萬峯疊險爲亂萬厯初知縣蔡光杜漸通判郎尙炯招撫向化丁懋儒作撫猺頌刻於九疑今大錫諸崗生聚頗繁人亦樸質守法加之沐浴盛化歲有賞勞賦無力役而又納其人於庠序宜乎一化頑梗爲秀良也

明劉時徵志麻貝兩江猺多以盤爲姓原因廣西大征逃來避此占據稅山居住佃種時常爲盜隆

慶閒引賊來寇數次永衛指揮陳堦率兵剿之擒其大酋盤進周等八人今始安息

舊時猺俗祭祀用人每掠小兒爲牲屠人甚慘明隆慶閒猺中大疫縣令蔡光使巫諭之云神怒爾等祭祀有人不可食故降爾等以災今後當用可食之物以祭神必福汝猺人冀福遂不用人而用猪其俗以變

竹子尾宿

旦久宿

平岡尾宿

三宿俱在上五堡乃平地猺也洪武初年猺老李

東仿等共十七戶約三百餘名原係縣令周于德
協同百戶韓恩招撫下山准買大同鄉民田秋糧
壹百四十壹石三斗零爲業編戶四十有伍每宿
僉點一人爲千長又立獠老爲之約束後有征調
惟聽韓恩後裔遣使隆慶間有流寇刼錦田勢甚
猖獗眾相率隨官兵攻賊敗之遂解十八寨之圍
由此每年縣給牛酒花紅以犒之

按點千戶立獠老乾隆十八年

因獠民高先鶯擅殺竊賊案內已奉文銷燬

鄭志二種之中有眞贗主客之分大約盤李周趙

江華縣志

卷之十二

雜記

七

獠崗

沈鄭鄧唐爲眞獠他姓爲贗獠土居爲主獠瓦合
爲客獠眞獠自歸化以來奉公守分雖貧窮亦不
逋欠不似三宿富獠狡獪而多事也

上五堡獠俗至陋親死之時未及收殮舉家大小
先往戚族哭告名曰報死同姓聯姻亦所不拘自
鄭鼎勳諭禁士民勒石永遵

又有一種莠民散處山野衣尙絨繡花布短巾出
入佩刀居常相接以挽頸勸觴爲敬土人以其甘
同於獠稱爲獠人視粵中之獠有別蓋左人之類

也

按近年以來熟獠納糧當差令行禁止與民無異生獠雜處山谷自食其力不爲民害若撫馭盡善化導有方以獠治獠不易其俗則茲之椎髻侏儻文衣負劍者皆吾良民也何叛服無常之有

粵蠻附

鄭志永明江華與廣西富川□壤六寨之人草竊成性晝伏深谷夜行邗落捷如猿獠名爲蠻子逢人輒殺敝衣破褲皆其所利以故怯於夜行

江華縣志

卷之十二

雜記

八

獠崗

按六寨在富川縣之八都其寨名曰寶劍黃石湧泉牛巖石密秀山其間尙有小寨四十餘處毘連江華永明並與大源山相通山廣闊百餘里八都不法獠獞潛匿其中四出劫殺山高路險兵役不能追捕縣城遠隔八九十里亦鞭長莫及乾隆間湖廣總督鄂爾泰會同廣西巡撫金鉷奏請於六寨適中之麥嶺地方設立專營添弁兵塘汛與湘省營汛聯絡會哨又設同知一員司督捕自是獠獞斂跡今江民已不知有粵蠻之患矣

祥瑞

國朝

順治七年秋大有年流民始思旋里

八年大有年流民安集

十三年九月甘露降是年有秋

十六年大有年

康熙五年大有年民之逃亡者咸歸故里

二十二年六月甘露降是年大有年生聚愈繁荒

蕪俱墾

江華縣志

卷之十二

雜記

九

祥瑞

二十九年大有年

三十年大有年遠方流民俱來就食開墾

四十四年大有年五穀雜糧俱倍收

四十五年十月祥雲見於東南是歲大熟鄰邑饑

民多仰給焉

五十年大有年

五十二年早稻大熟晚稻亦豐粵西饑民咸來就

食

五十三年夏旱至七月初旬大雨三日二十二日

又雨八月初旬又雨早中晚稻俱熟蔴菽全收
五十六年大熟一禾雙穗斛米百錢粵豫之民皆
襁負而至

五十九年大有年

雍正元年二月朔芝草三本產文廟階下

三年春二月庚午日月合璧五星聚奎是年甘露

降於松枝甘如飴秋大有年

五年產嘉禾一莖數穗是年大有年

六年元旦五色雲兒於東南方

七年大有年

九年大有年

十年大有年

乾隆元年大有年

十四年大有年

十九年大有年

二十一年大有年

三十九年大有年

四十七年大有年

嘉慶元年大有年

二年大有年

三年大有年

四年大有年

五年大有年

八年大有年

九年大有年

十一年大有年

十四年大有年

江華縣志

卷之十二

雜記

十一

祥 □

十七年大有年

二十三年大有年

道光元年大有年

七年大有年

八年大有年

災異

明

隆慶元年五月五日夜道州出蛟大水入縣城至學前漥壞田廬車壩無算

萬曆八年十一月初三日新南門演日連劇失火延燒老南門串樓文廟縣治譙樓儀門城隍廟所官廳及街坊屋一百五十餘間

十二年正月初四日大風雨雹大者如斗小者如拳民房多擊壞

江華縣志

卷之十二

雜記

十二

災異

二十九年五月初三日大水自錦田河來入城三四尺許城外田廬車壩多被衝壞

三十年大旱復有事播州之役按播州之役是過緬寇滋事供億過

兵紀載殊未詳
晰姑存俟考

國朝

順治六年大水入城至學前漂沒田廬無算相傳水勢與明隆慶元年相埒士民呈請申報內有云客臘以來連月陰霾未霽端陽伊始滔天洪水為災房屋半付江流歸棲何所苗黍盡傾沙

土耕種成墟嗟茲窮苦不獨今歲之啼號嘆此
桑田遂成長年之滄海等語

康熙三年秋旱晚稻薄收是年適廣西富川猺蠻
梗化三省會剿地方有供應糧草之役

四年春因上年歲歉民食匱乏有富糶盡貧無糶
子母相泣難度日女悲餓兒啼饑嗷嗷待死無
生期之謠是年山竹皆生花結實廣西之富賀
及湖南之臨藍等處皆有之至夏大旱地赤土
焦貧民爭取充饑折竹枝淨盡乃搜之根底剔

之石竇日得竹米盈斗或七八升最少亦得一
二升爲活以釀酒味清冽有藏積者及秋熟啓
視已腐敗邑令陳紹選作祭竹米文載藝文
四十二年五月初三日境內忽然三四處火起邑
令李埴令民多設水缸晝夜親巡並建醮禳之
後竟無回祿之驚

四十三年水漲入城浸至學前泮池城外田廬多
被衝壞水勢與順治六年相等邑令李埴設法
賑卹民無失所

五十一年八月二十九日風氣怒號晚稻之早者
十獲二三遲者皆化空殼

五十二年夏大旱米價騰踊饑民挖蕨根充饑聚
眾擁至縣堂邀求開賑時道州牧王某兼攝縣
事已回州署幸典史陶寅多方曉諭始解散旋
復稟請開倉減糶人賴以安

乾隆四十一年城外火延燒民房百餘間
四十七年三月十八日未時城鄉同時地震
五十一年夏旱邑人爭採蕨根充饑

五十二年復旱穀石價銀三兩

嘉慶十一年十一月十一日教場新建二坊火焚
燒民房百餘間

二十三年五月二十三日水漲入城深丈餘淹及
南門城樓衝壞田廬無算

道光三年六七月間大疫邑人建醮禳之
十五年五月飛蝗由粵西入境傷稼甚多邑令田
名徵設法收捕次年始不爲災

十六年八月初十夜新建教場二坊火延燒民房

百餘間

二十六年十月十六日午後新建教場二坊火延燒民房百餘間

二十八年冬月河中有魚無數紛擁而上形似刀鎗漁人舉網輒得數百斤未幾而髮賊入境

咸豐三年正月元旦巳時嶺東中下二段地震有聲如雷數十里內屋瓦傾倒人民奔號片刻始定七月初一東西二河水漲淹及南門較嘉慶二十三年略減一二尺

九年六月二十九日東水營磨盤石二冲出蛟大雨如注水暴漲數丈山崩里許時值髮逆在境避難在山之人悉淹斃山脚房屋亦多衝壞

同治元年六月米價騰貴每石價至八千文三年六七月間瘟疫流行邑人倣古大儼禮持戈揚盾作毆逐狀疫遂平

八年二月初一午後雨雹大如拳屋瓦多爲擊碎
仙釋

無名長老江華人悟道入微與柳宗元友善□贈

以詩載藝文

蔣大士名永雄太平鄉華陂村人宋熙甯甲寅二月二十六日生居近舜祠嘗葺廟貌專奉香火孝父母睦兄弟持齋誦經崇甯癸未五月豁然頓悟遂辭父母棄妻子就浪石寺立壇說法盡蠲火食升姹巖趺坐而化時丙戌五月二十九日也其徒迎歸於寺立白雲塔以崇之祈禱輒應明宣德時有粵盜數十人毀大士真身至一山塘處忽自相殺傷其靈顯如此邑進士蔣灝

江華縣志

卷之十二

雜記

十六

仙釋

鐫其事於座旁

劉三妹興賢鄉隆城村農家女也幼遇異人有仙術與父兄蒔插三妹坐卧隴間父兄分秧擲與之各自歸家妹亦隨至咸怪之趨而往視則已雁行完插矣後入巖中坐化俗呼其巖曰神仙巖

巖見山
水

陳可獻明季邑人棄家居得仙巖辟穀不食煙火十餘年後不知所終人以爲仙去云